

УДК: 316.444.051.63

*Гулмуродов Камолiddин Абдуқодир ўғли –*

ТДИУ ҳузуридаги “Ўзбекистон иқтисодиётини ривожлантиришнинг илмий асослари ва муаммолари” илмий тадқиқот маркази таянч докторанти

## МЕҲНАТ БОЗОРИДА МИГРАЦИОН ЖАРАЁНЛАРНИ СОЦИОЛОГИК СЎРОВНОМАДА АСОСИДА БАҲОЛАШ

**Аннотация.** Ушбу мақолада Ўзбекистоннинг ташқи ва ички мигрантларидан интервью усулида ўтказилган сўровнома натижалари, мигрантларни қайси омиллар натижасида мигрант сифатида ўз яшаш жойларидан ташқарида ишлашга кетиши, мигрант сифатида иш излаб юрган кишиларнинг ижтимоий аҳволи, мигрантларда юзага келадиган муаммолар, уларни ижтимоий-ҳуқуқий ҳимоялаш ва бошқа бир қатор камчиликлар аниқланиб, уларни ҳал қилиш бўйича илмий асосланган таклиф ва тавсиялар ишлаб чиқилган.

**Калит сўзлар:** ички миграция, ташқи миграция, даромад, ижтимоий аҳвол, аҳоли фаровонлиги, ҳуқуқ, социология, тартибга солиш, мижрацион жозибадорлик, оила, фарзанд.

**Кириш.** Бугунги кунда меҳнат мигрантларини янги ижтимоий-иқтисодий маконига мослаштириш муаммолари ҳал қилинмаган. Мигрант учун борадиган мамлакатининг кадриятлари ва маданиятини, уларнинг ҳуқуқ ва мажбуриятларини англаш, натижада иқтисодий манфаатларни амалга ошириш жуда қийин, бу эса миграция ўсишининг пасайишига олиб келади.

Ш.М. Мирзиёевнинг 2022 йил 20 декабрдаги мурожаатномасида “Одамларимизни касб-хунарни қилиш, уларнинг бизнесига кенг йўл очиш, ички миграцияни қўллаб-қувватлаш, ҳақиқий мулкдор бўлиб, даромад топиши учун зарур шароитларни яратмоқдамиз” дея келтириб ўтганлари миграция соҳасида қанчалик катта ишлар амалга оширилаётганидан далолатди[1].

Миграция бўйича социологик тадқиқотларни Д. Массейнинг социология ва миграция социологияси муаммоларининг кесишиши сифатида ўрганган асрларида кузатиш мумкин. Айниқса, синтетик миграция назариясида, халқаро миграция ҳодисасини тавсифловчи мигрантларнинг майли аниқ кузатилган[2].

Яна бир олим Э. Ли миграция муаммосини ўрганади, у ҳар бир ҳудудда турли миграция омиллари – “ҳудуддан итариб чиқарувчи омил” ва “жалб қилиш” - фаолият юритишини кўрсатиб беради[3].

Миграциянинг иқтисодиётга ижобий таъсири тўғрисида хулосалар Ж. К. Ченет томонидан таклиф этилган[4]. Яъни миграция фуқароларнинг бошқа давлатлардан иқтисодий эҳтиёжларини кондириш учун кўпроқ пул ва яхши шароит излаб чиқиши ва иқтисодиётнинг бўш жойларида банд бўлишини келтириб ўтган.

Илмий тадқиқотларимизнинг қуйидаги йўналишлари ривожланган шаҳарларнинг миграция жозибадорлигини, шунингдек, мигрантларнинг ҳудуднинг иқтисодий ривожланишига қўшган ҳиссасини баҳолашга имкон беради:

**биринчидан**, меҳнат бозорида мигрантларнинг иқтисодий хатти-ҳаракатларига таъсир қилувчи омилларни ўрганиш лозим.

**иккинчидан**, миграция мотивациясини ўрганиш яъни нима учун аҳоли миграция қилаётганини аниқлаш;

**учинчидан**, миграция тўғрисида қарор қабул қилишда ижтимоий тармоқларнинг роли ва мигрантларнинг мезбон ҳамжамият билан расмий ва норасмий ўзаро муносабатларининг табиатини ўрганиш;

**тўртинчидан**, мигрантларнинг саводхонлик даражасини аниқлаш;

**бешиначидан**, мигрантларининг ўз мамлакатларида рақамли бандлик ва виртуал меҳнат миграцияси билан шуғулланаолишларини таҳлил қилишни тақозо этмоқда.

Миграция жараёнларининг социологик тадқиқотлари узоқ вақт давомида ўз аҳамиятини йўқотмаган, аммо шаҳарларнинг ижтимоий ва иқтисодий майдони кўпинча ташқи меҳнат мигрантларининг иқтисодий ҳатти-ҳаракатларидан мустақил равишда кўриб чиқилади. Шу муносабат билан шаҳарларнинг ижтимоий-иқтисодий маконининг миграция жозибадорлигини ўрганиш, унинг асосий параметрларини таъкидлаш зарур.

Тадқиқот натижаларидан замонавий шаҳарларнинг ижтимоий-иқтисодий маконида, ташқи меҳнат мигрантларининг иқтисодий ҳатти-ҳаракатларини ўрганишда, шунингдек ташқи меҳнат миграциясининг мамлакатимиз иқтисодиётига таъсирини ўрганишда фойдаланиш мумкин.

#### **Мавзуга оид адабиётлар таҳлили**

Stephen Castles социология бутун дунё олимларининг ишларига асосланганлигини ва барча жамиятлар учун амал қиладиган назария ва усулларга эга эканлигини маълум. Шунинг учун у глобал миграция тадқиқотларини ривожлантиришда муҳим роль ўйнаши керак. Шунга қарамай, миллий ривожланишнинг тарихий лойиҳаларидан келиб чиқадиган миллий ёндашувлар ҳали-ҳамон қўлланилиб келмоқда. Бундан ташқари, миграцияни ўрганиш миллий илмий маърузалар ва иерархияларда периферик бўлиб келган[5].

А. Amelina миграция социологияси ёпиқ, аниқ белгиланган тадқиқот соҳаси эмас, аксинча очиқ ва хилма-хил бўлиб, кўпинча қизгин концептуал ва услубий мунозаралар билан ажралиб туради. Ушбу мунозаралар тадқиқот соҳасининг ўзида— фанлар, методологиялар ва миграция тадқиқотлари ва амалиётнинг бошқа ижтимоий соҳалари ўртасида доимий “чегарани кесиб ўтиш” нинг учта шакли билан таъминланади[6].

Stepputat F. социологлар учун миграцияни социологик ўрганиш бўйича эмпирик тадқиқотлар ва таҳлилларни ишлаб чиқиш, уни замонавий жамият ҳақидаги назарий тушунчаларига киритиш каби муҳим аҳамиятга эга. Миграцияни ўрганиш иқтисодий миграция бўйича тадқиқотлар билан боғлиқ, аммо ўзига хос тадқиқот мавзулари, услубий муаммолари ва концептуал масалаларига эга. Миграция бўйича социологик тадқиқотлар ва ижтимоий тармоқлар асосий роль ўйнайдиган ижтимоий жараён сифатида таҳлил қилиниши керак[7].

Дидух Н. Н. Миграция бўйича социологик тадқиқотларда меҳнат миграцияси муаммоси ва муҳожирларнинг мезбон жамият таркибидаги роли тобора кўпроқ биринчи ўринга чиқмоқда. Сабаби аниқ, чунки айнан миграция ва мигрант жамоалар Европанинг ва дунёнинг бошқа бир қатор минтақаларининг ижтимоий тузилишини тубдан ўзгартириб, бир неча ўн йиллар олдин тасаввур қилиб бўлмайдиган ижтимоий муаммолар ва қарама-қаршиликларни келтириб чиқармоқда[8].

Лапшина Н. И. мигрантнинг ижтимоий ҳолатини хусусиятларини белгилаш зарурдир. Бу борада миграция соҳасида ўтказиладиган социологик тадқиқотлар ёрдам беради. Миграция ҳолатида мигрант бериш ва қабул қилиш ҳудудларининг ижтимоий ҳолатидан келиб чиқиб аниқланади[9].

#### **Тадқиқот методологияси**

Илмий тадқиқот ишимизда миграцияни келтириб чиқараётган омиллар, анализ, синтез, социологик таҳлил, қиёсий таҳлил, социологик сўровнома усулининг интервью шаклидан фойдаланилди. Тадқиқот ишида мигрантларнинг ижтимоий аҳволи, ижтимоий-ҳуқуқий таъминланганлиги ва бошқа бир қатор жиҳатлари кўриб чиқилди ва таҳлиллар ўтказилди. Тадқиқот объекти сифатида Ўзбекистонда миграция жараёнлари ўрганилди.

#### **Таҳлил ва натижалар**

Бу натижаларни аниқлаш мақсадида, тадқиқот ишимизнинг мазмундорлигини ва миграция соҳасида муаммоларни аниқроқ ўрганиш мақсадида, мамлакатимизнинг ички мигрантлари ва ташқи миграция жараёнида иштирок этиб қайтиб келган 514 нафар фуқароларимиздан социологик сўровнома ўтказдик.

Тадқиқот ишимиз учун ҳар бир мигрантнинг ҳолатини батафсил ёритиш мақсадида анкета сўровнома усулидан фойдаландик ва ҳар бир мигрант билан суҳбатлар олиб бордик. Сўровномамизда иштирок этганларнинг 403 нафари эркаклар яъни 78,5 %и ва 111 нафари аёллар яъни 21,5 %ни ташкил этиб, улардан уйланмаган/турмушга чиқмаганлари сони 150 нафарни яъни 29,1 %ни, уйланган/турмушга чиққанлар сони 333 нафарни яъни 64,7 %ни ва ажрашган/ёлғиз ота ёки оналар сони 31 нафарни яъни 6 %ни ташкил этди[9].

Кўришимиз мумкинки сўровномамизда иштирок этганлар ичида аёлларнинг ҳам улушининг ҳам мавжудлигида бир қатор салбий натижаларни кўрсатиш мумкин:

**биринчидан**, аёллар ўз уйларини ташлаб бошқа вилоят ёки малакатларга иш излаб кетмоқдалар;

**иккинчидан**, уларнинг болаларининг тарбияси, маъданиятининг ёмонлашуви;

**учинчидан**, аёлларнинг миграцияси туфайли ажримларнинг кўпайишига олиб келиши мумкин.

Сўровномамизда қатнашганларнинг қайси вилоятданлиги ва қайси вилоятлардан миграция оқими юқорилигини аниқладик. Энг юқори кўрсаткич икки вилоятда Сурхондарё (17,5 %и) ва Қашқадарё (15,6 %и) ҳиссасига тўғри келмоқда (1-жадвал).

1-жадвал


**Сўровномада иштирок этганларнинг вилоятлар кесимида тақсимланиши<sup>1</sup>**

| Қайси вилоятдансиз?          | Сони | %да    |
|------------------------------|------|--------|
| Қорақалпоғистон Республикаси | 20   | 3,8911 |
| Андижон                      | 39   | 7,5875 |
| Бухоро                       | 29   | 5,642  |
| Жиззах                       | 25   | 4,8638 |
| Қашқадарё                    | 80   | 15,564 |
| Навоий                       | 11   | 2,1401 |
| Наманган                     | 19   | 3,6965 |
| Самарқанд                    | 42   | 8,1712 |
| Сурхондарё                   | 90   | 17,51  |
| Сирдарё                      | 34   | 6,6148 |
| Тошкент вилояти              | 36   | 7,0039 |
| Фарғона                      | 29   | 5,642  |
| Хоразм                       | 18   | 3,5019 |
| Тошкент шаҳар                | 42   | 8,1712 |

1-жадвал маълумотлари асосида айтиш мумкинки деярли ҳамма вилоятларда миграция жараёнида қатнашаётган аҳоли қатлами мавжуд Сурхондарё (17,5 %) ва Қашқадарё (15,6 %) вилоятларидан кейинги ўринларда Самарқанд вилояти (8,1 %), Тошкент шаҳар (8,2 %), Андижон вилояти (7,5 %), Тошкент вилояти (7 %), Сирдарё вилояти (6,6 %) ва бошқа вилоятларда миграция жараёнлари кузатишмоқда[9].

Тадқиқот ишимизда мигрантларнинг ёш чегараларини яъни қайси ёшдаги фуқаролар кўпроқ миграцияга мойиллик билдираётганини ўргандик (1-расм).

<sup>1</sup> Муаллиф томонидан сўровнома натижалари асосида шакллантирилди




**1-расм. Сўровномада иштирок этганларнинг ёш бўйича тақсимланиши<sup>1</sup>**

Ушбу расмдан кўришиб турубдики мигрантларнинг ёши яъни кўп миграция қиладиган аҳоли қатлами 30-39 ёшни ташкил этмоқда. Бу ёшда юқори миграция бўлишига асосий сабаблардан бири оилани иқтисодий эҳтиёжини қондириш даражаси билан изоҳлаш мумкин ва миграция эркаларда аёлларга нисбатан юқорироқ бўлади.

Яна шуни ҳам айтиш жоизки, иштирокчиларнинг 170 нафари яъни 33 %и олий маълумотлилар, 162 нафари яъни 31,5 %и ўрта-махсус маълумотлилар, 159 нафари яъни 30,9 %и ўрта маълумотлилар ва 23 нафари яъни 4,5 %и тугалланмаган ўрта маълумотлилар ҳиссасига тўғри келяпти.

Ўтқазилган сўровнома натижасида айтишимиз мумкинки, оилалик мигрантларнинг кўпчилигида фарзандлари йўқ ёки иккита фарзандликка тўғри келяпти (2-расм).




**2-расм. Сўровномада иштирок этган мигрантларнинг болалар сони бўйича тақсимланиши<sup>2</sup>**

Бунга хулоса қилиб, мигрантлар иқтисодий камчиликлар туфайли оилани режалаштиришда кам болаликни маъқуллашганликлари (33 %и) ёки ўртача ҳар бир оилада иккита фарзанд бўлишини режалаштирганликларини (26 %и) кўришимиз мумкин. Салбий тарафларини кўрадиган бўлсак, бу кўрсаткич ёшлар қатламининг камайишига сабаб бўлиши мумкин. Демак оиланинг иқтисодий барқарорлиги фарзанд режалаштиришда катта аҳамиятга эгадир.

<sup>1</sup> Муаллиф томонидан сўровнома натижалари асосида шакллантирилди

<sup>2</sup> Муаллиф томонидан сўровнома натижалари асосида шакллантирилди



**3- расм. Сўровномада иштирок этган мигрантларнинг мутахассислиги бўйича тақсимланиши<sup>1</sup>**

-расмдан айтиш мумкинки кўп мигрантларнинг асосий мутахассисликлари педагогикни ташкил этмоқда. Буни юқорида таъкидлаганимиздек маълумот даражасига боғлиқ деб ўйлаймиз. Тадқиқотимизда олий маълумотлар улуши 33 %га тенглигини ҳисобга олсак демак мигрантларнинг ичида олий маълумотли бўлиб ҳам иш топаолмаганликларини кўрсатиш мумкин. Мигрантларнинг 23 %и педагог, 18,2 % қурулиш мутахассислиги ишчиси, 7 %и иқтисодчи, бухгалтерлар ва бошқаларнинг ҳиссасига тўғри келяпти.

**2-жадвал**


**Сўровнома иштирокчиларнинг бандлик даражаси кўрсаткичлари<sup>2</sup>**

| Ҳозирда расмий ёки норасмий иш билан банд ҳисобланасизми? | Сони | %да    |
|-----------------------------------------------------------|------|--------|
| Ҳа расмий бандман                                         | 150  | 29,183 |
| Ҳа норасмий бандман                                       | 189  | 36,77  |
| Йўқ банд эмасман                                          | 130  | 25,292 |
| Расмий ишсизман                                           | 45   | 8,7549 |

Сўровномамизда мигрантларнинг расмий бандлик даражаси 29,2 %ни ташкил этмоқда. Норасмий бандлик даражаси 36,7 %ни, йўқ банд эмасман ва расмий ишсизлар мос равишда 25,3 % ва 8,8 %ни кўрсатмоқда.

<sup>1</sup> Муаллиф томонидан сўровнома натижалари асосида шакллантирилди

<sup>2</sup> Муаллиф томонидан сўровнома натижалари асосида шакллантирилди



**4- расм. Сўровномада иштирок этган мигрантларнинг қайси соҳада бандлиги кўрсаткичлари<sup>1</sup>**

4-расмдан кўриниб турубдики мигрант бошқа мамлакатларга бориб, норасмий банд (22,1 %) бўлиб келмоқда. Бу бир қатор маммоларни келтириб чиқариши мумкин: меҳнат ҳуқуқи, меҳнат хавфсизлиги, меҳнат шароитлари норасмий банд бўлганда ҳеч ким таъминлаб бермайди ва бунинг натижасида нохўш воқеалар келиб чиқиш эҳтимоли пайдо бўлади.

Норасмий бандлик сабаблари ва расмий иш жойида ишлаганлиги ёки ишламаганлигини таҳлил қилиш анижасида аниқландики, иштирокчиларнинг 25,0 %и паст ойлик иш ҳаққидан норозилиги ва шу сабабдан миграция қилганликлари ва ўрта-махсус маълумотлиларнинг эса 20,1 %и умуман расмий иш жойида ишламаганлигини таҳлиллар натижасида аниқладик.

Демак мамлакатимизда бўш иш ўринларини яратишда ойлик иш ҳаққи миқдорини ҳам ҳисобга олиш кераклигини ва ойлик иш ҳаққини ҳудуд иқтисодий ҳолатидан келиб чиққан ҳолда паст белгиланганлиги аниқладик.

Норасмий ички мигрантларнинг иш билан банд бўлганлар қисми деярли 15,2 %и 2-2,5 млн. атрофида ойлик иш ҳаққи олишларини ва меҳнат шароитлари таъминланмаганлигини (8,7 %) келтириб ўтишган. Вилоятларда ойликнинг миқдори янада пастроқ бўлиши мумкин. Шунинг учун ҳам аҳолида миграцияга бўлган майл кўрсаткичи ошиб бормоқда.

Ҳозирги ахборотлашган замонда мигрантларнинг ҳам рақамли воситалардан фойдаланиш кўрсаткичини олсак у қуйидагича натижани бермоқда (3-жадвал)

**3-жадвал**

**Мигрантларнинг рақамли технологиялардан фойдаланиш даражаси<sup>2</sup>**

| Рақамли технологиялар (компьютер, телефон, планшет) ёрдамида иш излаб кўргансизми ? | Сони | %да |
|-------------------------------------------------------------------------------------|------|-----|
|-------------------------------------------------------------------------------------|------|-----|

<sup>1</sup> Муаллиф томонидан сўровнома натижалари асосида шакллантирилди

<sup>2</sup> Муаллиф томонидан сўровнома натижалари асосида шакллантирилди

|                                         |     |        |
|-----------------------------------------|-----|--------|
| Ха                                      | 219 | 42,607 |
| Йўқ                                     | 245 | 47,665 |
| Рақамли технологиялардан фойдаланмайман | 50  | 9,7276 |

Сўровнома иштирокчиларнинг 9,7 %и умуман фойдалана олмасликларини кўрсатишган бу уларнинг ёш кўрсаткичи билан боғлиқ бўлиши мумкин. Сўровномада 40-49 ва 50-60 ёшдагилар улуши мос равишда 13,6 % ва 3,7 %и ташкил этган. Бу ёшдаги меҳнат ресурслари бўш иш ўринлари ҳақидаги маълумотларни онлайн тарзда излаш ўрнига анъанавий усулдан кўпоқ фойдаланишлари билан асослаш мумкин яъни ўзлари ҳақидаги маълумотларни олиб иш излаётган ташкилотларига ташриш буюришади.

Мигрантларнинг асосий қисми норасмий бандлигини, бир марталик иш учун ёлланиб ишлашларини ҳисобга олсак, улар давлат масъул ташкилотларига Аҳолини бандликка кўмаклашиш марказларига (АБКМ) ариза билан мурожаат этмаганлар (4-жадвал).

4-жадвал

**Бандликка кўмаклашиш марказларига мурожаат қилганлар сони<sup>1</sup>**

| <b>Бандликка кўмаклашиш марказига мурожаат қилганмисиз, агар мурожаат қилган бўлсангиз марказ фаолияти ҳақида фикрингиз?</b> | <b>Сонда</b> | <b>%да</b> |
|------------------------------------------------------------------------------------------------------------------------------|--------------|------------|
| Ҳа, аъло                                                                                                                     | 42           | 8,1712     |
| Ҳа, ўрта                                                                                                                     | 83           | 16,148     |
| Ҳа, қониқарли                                                                                                                | 71           | 13,813     |
| Ҳа, қониқарсиз                                                                                                               | 78           | 15,175     |
| Ҳа, умуман ишламайди                                                                                                         | 45           | 8,7549     |
| Йўқ                                                                                                                          | 166          | 32,296     |
| Бундай марказ борлигини билмайман                                                                                            | 29           | 5,642      |

Кўриниб турибдики 32,3 % мигрантлар ўз яшаш жойларидаги АБКМ ларга мурожаат қилмаганлар ва мурожаат қилганлар ичида қониқарсиз деган фикрни билдирганлар улуши 15,1 %ни, бунақа марказлар борлигини билмайдиганлар эса 5,6 %ни ташкил қилди. Мурожаат қилганлар ичида мигрантларнинг учраши аянчли ҳолат. Тадқиқотлар натижасида шани аниқладикки таклиф этилган иш ўринлари уларнинг мутахассисликларига тўғри келмаган ва иш ҳаққи миқдори кам бўлганлигини аниқладик.

5-расмда, мигрантлар ички миграция яъни аҳолиси кўп бўлган ҳудудлардан, аҳолиси кам бўлган ҳудудларга кўчиб боришлари учун биринчи навбатда, мутахассислик бўйича иш жойи таклиф қилинса 207 киши яъни 28,2 %и, иккинчидан, иш ҳаққи оилани боқишга етарли бўлса 191 киши яъни 26,0 %и ва учинчидан, оилавий кўчиб бориш учун шарт шaroитлар бўлса 144 киши яъни 19,6 % овоз билан ички миграция орқали банд бўлишга розилигини ва ташқи меҳнат миграцияга камроқ учрашларини келтириб ўтганлар.

<sup>1</sup> Муаллиф томонидан сўровнома натижалари асосида шакллантирилди

5-расм. Ички миграция орқали бандликни таъминлаш<sup>1</sup>

Лекин ҳозирда мамлакатимиздаги фуқароларнинг хорижга кетиш истагида бўлганларининг улуши 356 кишини яъни 69,2 %ни ташкил этмоқда. Сўровномада иштирок этган олий маълумотли фуқаролар бир қисми ҳам ташқи меҳнат миграциясига кетишга розилигини кўриш мумкин. Олий маълумотли бўла туриб ҳам четга кетиш истагини билдирганлар.

Сўровномада иштирок этганларнинг 235 нафари яъни 45,7 %и чет давлатларда меҳнат мигранти бўлиб ишлаб келганликларини кўрсатганлар, 237 нафари яъни 46 %и ички мигрант бўлиб пойтахтда расмий ёки норасмий бандликларини таъкидлашган. Демак ички мигрантлар учун Тошкент шаҳри иш топиш мумкин бўлган шаҳар мисолида қаралмоқда.

Мигрант сифатида банд бўлишни истаганлар қуйидаги асосий сабабларга кўра бошқа вилоят ёки мамлакатларда ишлашга розилигини билдирганлар (5-жадвал).

5-жадвал

**Мигрантларнинг чет давлатларида меҳнат фаолиятини олиб боришларининг асосий кўрсаткичлари<sup>2</sup>**

| Чет элда ишлашга хоҳиш билдириш сабабларингиз (бўлса бир нечта сабабларни ёзинг) | сонда | %да    |
|----------------------------------------------------------------------------------|-------|--------|
| Ойлик маош юқори бўлгани учун                                                    | 283   | 26,876 |
| Меҳнат шароити яхшилиги учун                                                     | 124   | 11,776 |
| Иш топишнинг осонлиги учун                                                       | 81    | 7,6923 |
| Танишларим маслаҳати туфайли                                                     | 53    | 5,0332 |
| Яшаш жойида юқори ҳақ тўланадиган иш мавжуд эмаслиги                             | 82    | 7,7873 |
| Иш ҳақи вақтида тўланмаслиги                                                     | 21    | 1,9943 |
| Фарзандининг тўйи учун тезда пул топиш зарурати                                  | 32    | 3,0389 |
| Ўзимнинг тўйим учун пул топиш зарурати                                           | 17    | 1,6144 |
| Уй, квартира сотиб олиш учун тез пул топиш зарурати                              | 84    | 7,9772 |
| Автомобиль ёки бошқа кўчмас мулк                                                 | 54    | 5,1282 |
| Ўз бизнесим учун бошланғич сармоя тўплаш мақсадида                               | 80    | 7,5973 |
| Қарзини тўлаш учун                                                               | 38    | 3,6087 |
| Оиламнинг тураржой шароитлари етарли эмаслиги                                    | 39    | 3,7037 |


<sup>1</sup> Муаллиф томонидан сўровнома натижалари асосида шакллантирилди

<sup>2</sup> Муаллиф томонидан сўровнома натижалари асосида шакллантирилди

|                                                      |    |        |
|------------------------------------------------------|----|--------|
| Ижтимоий инфратузилманинг етарлича ривожланмаганлиги | 34 | 3,2289 |
| бошқа                                                | 31 | 2,8    |

5-жадвал маълумотларидан кўриниб турибдики, миграция учун асосий стимул бўлиб иқтисодий омил яъни ойлик маош (26,9 %) муҳим роль ўйнамоқда. Ундан сўнг меҳнат шaroитининг мавжудлиги (11,8 %), уй, квартира сотиб олиш учун тез пул топиш зарурати учун (7,9 %), яшаш жойида юқори ҳақ тўланадиган иш мавжуд эмаслиги (7,8 %), ўз бизнесим учун бошланғич сармоя тўплаш мақсадида (7,5 %) ва бошқа сабабларни кўрсатиб ўтишган.

Мигрантларнинг аксарият қисми 17,7 %и АҚШ га ишга боришни маъқул кўришмоқда (6-расм).




**6- расм. Мигрантларни жалб қилувчи асосий давлатлар<sup>1</sup>**

Расмдан кўриниб турибдики, чет элда ишлаш учун ҳохиш билдирганларнинг катта қисми АҚШ (17,7 %), Германия (14,1 %), Туркия (12,3 %), Европа мамлакатлари (10,6 %) ва бошқа мамлакатларга бориш истагини билдиришган. Бунга асосий сабаб сифатида иш ҳаққининг юқорилиги, меҳнат шaroитларининг мавжудлиги ва иш топишнинг осонлигини келтириб ўтганлар.

Шуниси қизиқки бормоқчи бўлган давлатлирининг меҳнат қонунчилиги ва малака талабларига бўлган ҳуқуқий базалардан 56,6 %мигрантлар хабардор эмаслар, 32,1 %и эса хабарлари борлигини таъкидлашган. Чет эл давлатининг меҳнат қонунчилиги ва талабларини билмасдан туриб кетишлари иш жойида бир қанча муаммоларни юзага келтиради. Чет элда меҳнат фаолиятини олиб борган фуқаролар келтиришича ўртача ойига 700 АҚШ доллари маблағни расмий ёки норасмий кўринишда ишлаб топганлар[9].

<sup>1</sup> Муаллиф томонидан сўровнома натижалари асосида шакллантирилди



**7-расм. Мигрантларнинг ўз вилоятида меҳнат фаолиятини олиб боришлари учун керакли ойлик маош миқдори<sup>1</sup>**

Мигрантлар ўз вилоятларида миграция жараёнида иштирок этмасдан ўз оилалари билан бирга яшаб меҳнат фаолиятини олиб боришлари учун мигрантларнинг 35 %и 2,5 млн. сўм миқдорда ойлик маош етарли деб ҳисоблайдилар, 16 %и эса 3 млн. сўм ойлик маош етарли деб кўрсатишган. Демак вилоятларда ойлик маош миқдори камлиги ҳам миграцияга асосий сабаби бўлиб қолмоқда.

Сўровнома натижасида меҳнат миграциясини самарали бошқаришда мигрантлар томонидан қуйидагича таклифлар келтириб ўтилган (6-жадвал).

**6-жадвал**

**Меҳнат миграциясини самарали тартибга солишдаги таклифлар<sup>2</sup>**

| Ўзбекистонда меҳнат миграциясини самарали бошқариш бўйича сизнинг таклифларингиз? (бир нечтасини танлашингиз мумкин) | Сонда | %да    |
|----------------------------------------------------------------------------------------------------------------------|-------|--------|
| хорижга ишлаш учун маслаҳат кўрсатадиган янги касбни яратиш                                                          | 98    | 12,312 |
| давлат томонидан фуқароларни ривожланган давлатларга ишга жўнатиш бўйича халқаро шартномаларни кўпайтириш            | 213   | 26,759 |
| хорижда ишлаётган фуқароларнинг ижтимоий-ҳуқуқий ҳимоясини самарали ташкил этиш                                      | 155   | 19,472 |
| хорижда ишлаш учун зарур ҳужжатларни расмийлаштиришни соддалаштириш                                                  | 112   | 14,07  |
| хорижда фуқароларнинг иш ҳақлари ўз вақтида берилишига кўмаклашиш                                                    | 84    | 10,553 |
| ҳар бир туман, шаҳарда фуқароларни хорижга ишлаш учун бориш юзасидан маслаҳат бериш марказлари очиш                  | 120   | 15,075 |
| мамлакатимизда ташкил этиш зарур                                                                                     | 14    | 1,7588 |

Жадвалдан айтиш мумкинки, мигрантларнинг кўпчилиги давлат томонидан фуқароларни ривожланган давлатларга ишга жўнатиш бўйича халқаро шартномаларни кўпайтириш (26,8 %), хорижда ишлаётган фуқароларнинг ижтимоий-ҳуқуқий ҳимоясини самарали ташкил этиш (19,4 %), ҳар бир туман, шаҳарда фуқароларни хорижга ишлаш учун

<sup>1</sup> Муаллиф томонидан сўровнома натижалари асосида шакллантирилди

<sup>2</sup> Муаллиф томонидан сўровнома натижалари асосида шакллантирилди

бориш юзасидан маслахат бериш марказлари очиш (15,0%) ва бошқа бир қанча таклифларни келтириб ўтишган.

**Хулоса** сифатида шуни таъкидлаш керакки Ўзбекистонда янги касбларни яратиш, рақамли иқтисодиётни ривожланиш шароитида меҳнат бозори миграция жараёнларининг ҳам рақамли трансформациясини амалга ошириш мақсадга мувофиқ. Бу бандликнинг янги турларини яратишда ва рақамли бандликни ҳам қуқуқий ҳимоялашга асосланган тизимни яратиш зарурлигини тақозо этмоқда.

Ҳозирда виртуал меҳнат миграцияси, рақамли бандлик тушунчалари фанга олға кириб келмоқда. Аҳолининг рақамли технолоиялардан фойдаланишлари учун имтиёзлар ажратиш, бепул курсларни ташкил қилиш мақсадга мувофиқ бўлиб, аҳоли бандлигининг янги турларини яратиш ва уларни меҳнат фаолияти билан банд қилишга асос бўлади деб ўйлаймиз.

#### **Фойдаланилган адабиётлар рўйхати:**

1. Ш.М. Мирзиёевнинг 2022 йил сўнгида Олий мажлис ва Ўзбекистон халқига мурожаатномаси <https://president.uz/uz/lists/view/5774>
2. Massey, D. Theories of international migration: A review and appraisal [Text] / D. Massey // Population and Development Review. – 1993. – Vol. 19. – № 2. – P. 431-466.
3. Lee, E. A Theory of Migration [Text] / E. Lee // Demography. – 1966. – № 3. – P. 47-57.
4. Шенэ, Ж.К. Миграция как инструмент развития [Текст] / Ж.К. Шенэ // Миграция и развитие: доклады и статьи ведущих секций и докладчиков международной конференции «Миграция и развитие». – М.: Би Эль Принт. – 2007. – С. 7-11.
5. Castles S. Twenty-first-century migration as a challenge to sociology //Journal of ethnic and migration studies. – 2007. – Т. 33. – №. 3. – С. 351-371.
6. Amelina A., Horvath K. Sociology of migration //The Cambridge handbook of sociology: Core areas in sociology and the development of the discipline. – 2017. – Т. 1. – С. 455-464.
7. Stepputat F., Sørensen N. N. Sociology and forced migration //The Oxford handbook of refugee and forced migration studies. – 2014. – С. 86-98.
8. Дидух Н. Н. Трудовая миграция как фактор развития Дальневосточного региона (социологический анализ) //Хабаровск: Изд-во ТОГУ. – 2009. 67-69 с.
9. Лапшина Н. И. Миграция и маргинальность в контексте социологии социального пространства //Вестник Санкт-Петербургского университета. Социология. – 2010. – №. 1. – С. 388-394.